

ديوان بالعامية المصرية

دين الآيفونات

معتصم الصاوي



ديوان دين الآيفونات

تأليف : معتصم الصاوي

الإخراج الداخلي : رشا عبدالله

تصميم الغلاف : أحمد الجارحي

رقم الإيداع: ٢٠١٦ / ٢٣٩٢٧

التقييم الدولي: 978-977-6598-01-0

الطبعة الأولى: ديسمبر 2016



المدير العام : أحمد عبد الجواد

مدير النشر : أحمد خطاب



مؤسسة عابر للنشر والتوزيع



01007677910 - 01111883712



3aberorg@gmail.com



www.3aber.org



عابر 3aber

جميع الحقوق محفوظة، وأي اقتباس أو إعادة طبع أو نشر في أي صورة كانت ورقية أو إلكترونية أو بأية وسيلة سمعية أو بصرية دون إذن كتابي من الناشر، يعرض صاحبه للمساءلة القانونية.

ديوان بالعامية المصرية

دين الآفونات معتصم الصاوي

مؤسسة عابر للنشر والتوزيع

إهداء

إلي

أبويا

كان نفسي أشوفك

أمي

عوض ربنا ورزقي الطيب

اخواتي

إللي مش شبه بعض فاتعلمت منهم كل حاجة

أصحابي

كل ما أحس إني لوحدي ألقاني بيت عمران

(ضحكة ريم / ستي / رأفت السنوسي / محمد فتحي / سنة الجيش /

الإبراهيمية / شعر ومغني /

بيت ثقافة مطاى / قبر أبويا / الشاي بلبن / المزيكا / القهاوى)



من مكتب القائد

قلبي طفاية علي مكتب القائد
روحي ورق بفرّة
قميمي فرطة بلا نياشين
جيوي حافظة الكهف وياسين
صحابي سجائري الفرط والكبريت
حبيتي ضحكت عيونها
باكيت إني شاكيت قلة كل الحاجات الممكنة
حبوي المسكنة خلصت من يومين
عليًا اتنين شاي واربع حجارة في القهوة
وتقريشة في الكانتين
أحمل إليكي جواب
ورسالة متقطعة من خدمة إمبراح
سارح ف الطابور



وشايف عنيكي
الشمس بتضربنا ع القفا بالدور
فاكر انتظارك ليا ع الناصية
والنط فوق السور
صندوق نذور للورد والدباذيب
وازاى العسكرى يكتب ؟
عن ظلم ولاد النبي للديب
وطعم الحَمرة ونهر حليب
وعَدْلَة كَآبِي فِي التذنيب

أنا باكتبلك من هنا
والقمر حالف يقاسمنا الجراية والتدريب
واحد تمام
مادّيت إيدي للسمما كلتها وشبعتُ
اتنين تمام
شادّيتُ لِحاف الفضا حواليا وبرضو بردتُ
تلاته تمام
الأرض سابت كل الشقا علي كتفي واتشَقَّتْ
رابط قلبي بالقايش
وسبعة وعشرين طلقة عمرها ما اتعدتُ
وأنا عمري متبعزقُ ع البوابات
كشَفِتْ نَهْدَاها للذبَّابات



ولم تخاف الموت
قدِّمَتْ للملايكة القهوة ف الملكوت
تمام يا قائد جاهز للمهمة
وانا قلبي رَمَّة
إزاي باصدق ريحة اللحمة وتَسِيك الطبخ ؟
أصدق صديق: الشعر في المحنة
لميت قسايدي الفَرط في المخلة
الكتف مايل يا حبيتي في الرحلة
هانت يا صاحبي أنت الرديف
خطفت الشمس جوه الرغيف
طراطيف إيديك وحازى ع الشمال
نيكوتين قرفان من إيدين الشاي
ناي بياكل عيش على الأحزان
يا خشب الزَّانُ ما فيش نَبَّايْتُ
كانوا الرجال يملُّوا علينا البيت
موسيقى رأفت الهجان , قشعرة جسمي لو بردان
بُوش الإيدين من الحرمان
واحد تمام
ارقصي على وتر الكمان واحضيني
اتنين تمام
فكَّتْ شَعْرها طَرَفْ عيني
تلاتة تمام



سال علي ضرها لَخَلَجَتْ شراييني
_ اصحي يا دُفعة / النوم محل خدمتك
_ وحشتيني
_ هتتدورُ مكتب حضرتك؟
_ كملييني

_ بتتمنعُ يا بيادة عن أداء مُهمَّتكَ؟
_ آسف يا فندم ماعدتش ثاني هحلم
قايم وضرى شايِل_ الله أعلم_
لِسَانِي بِيذَكَرُ رَبَّنَا

وبيلعن دخان الحكاوي وتغريبة النفوس
وسنان المشط اللي وقعت من تساوي الرووس
وحسرة النازي علي ضحايا الروس
وقرمشة الفول بالزلط والسوس

حبييتي

إنتي الوطن والحلم والجريد والخص
سُدِّي الشقوق في كفوفي واتحني
بانزفُ من بين الضلوع غَنِي
أحمد يا سبع الليل
الشمس طالعة أكيد

بُص ع الوطن من الشُرَاعَات الحديد
تلقى قلب الشهيد طَقَاية علي مكتب القائد

دين الأيفونات

مستني إيه؟

من عيّل بيضرب برجله الذكريات

ف يعوّر آخر صوباع ف قلبه

يتنزف ف يرميه جنب الروح ال نائمة ورا

الأجرة زادت وجع والكنبة أربعة

_ خلاص يا أسطى عندي أنا _

_ تُشكر يا بيه

كان طبيعي

أتوه في رغاوي النسكافيه

أضرب بفاسي الأرض

أطلع بكام إقيّه

وأتحول لناي

وألعب في موسيقى الكون

وأغير مضمون النوتة

وأثسعبط في جيتار التوتة
وأهز الشجرة وأرَقَصْ ناس
وهزيمة بتجر هزيمة
لو تسكُت يا صاحبي جريمة
وأنا أصلاً نايم من عُلمي
الحضرة عندك يا كريمة
والقعده غريبة وعجيبة
والشعر فلاقي وكَدَّاب
اسمحولى يا أصحاب

أنا هاحكي براحتي

بره الإيقاع
لما سابت إيدها على ضهري الضعيف
طَبَّطِيتُ زي اللي حط إيده على دم الديحة
عارفه إني هاجنُ
كنت هقول كلمه قبيحة

ياااه للدرجة دي عبيط
تعالوا ندور على أماكن تحترم الجبان
وتقدس الكياسة والرزانة والإتيكيت
عاتبوني الناس ف باكيت



البيت اتحول حُوت
وَبَيْئَلُ ف العايشين
هتقبُّلُ أكون يونس
لو كنت من الصابرين
بأصيت في عيونها المومس
«وف قلبي حزن لعين»
عمّال اتنقّل من شمال ليمين
يا ملايكة شفولي شغلانة معاكوا
زهقت من الموافقة علي نواصي الناس
والرقص ع الاكتاف
اجعل قسايدي حُفاف
أنا مش حمل كلمة تهوى بيّا
ليه أنا بالذات من ضمن أولاد اسماعيل
أكون شاعر في لَم العزال والشّمل
دفعت تمن الحضن في بيوت النمل
وَلَوْلا دَفَع النَّاس
الأرض فاسدة _ لا تَصْلُحُ للمجاز_
سيب لي نفسك
مافيش قيود يا فتى
اجعل الرقصة سبيل الملحمة
واكتب بدمك ع المرآية

ماحدث هيفوت الحيطان وحدها
تانيت رُكبتِي وراميت سلاحِي
بِاسْتَسْلِمٍ لِكُلِّ لِحْظَةٍ ضَعْفٌ جَثُّ بَعْدَهَا
باخلع قميصي ف منتهى السعادة
تعالوا شوفوا الكام كيلو الزيادة
وحجرة الدفن ونقش الجدود علي صدري
حبيبتِي بِاسْتَسْمَحِكِ تَجْرِي
افتيني يا «حلاج» في بوقِي شظايا
لو وقفتي هتموتي بالكلمات
أدين بدين الأيفونات
لسه الجبل واقف حداد
وبيرتجف م الصوت
أمي كات دائماً بتصدّق أبويا
لدرجة إنه حضنها ومات
ولإن حبيبتِي بعيدة
تملّي بتبكي في المسافات
ف أحضنها وأعيط

لكن عمري ما كنت ف صدق أبويا

أوركسترا الفلاح

ضَحِكْتِكَ شَجَرٌ عَرَقَدُ
زَقُومٌ بِيَشْبِهِ التَّفَاحُ
خُرُوجَكَ مِ الْخَمَّارَةَ لِلْمَعْبَدِ
بِيَسْتُرُ الدَّنَسِ الْيَ فَا حِ
يَا مَنْ لَفَحْتَ الرِّيحَ بِحُبُوبِ اللِّقَاحِ
وَوَهَبْتَ الْعَسَلَ لِلنَّحْلِ
لِلنَّخْلِ: حَقَّ اكْتِمَالِ اللَّحْنِ
الْأَرْضِ: أوركسترا الفلاح
الطين: بينتشي بالفاس
شقوق الكف: وصية جدي بالإخلاص
الدُّف: بيلم القطن ف حجر الناس
الرقص: بيحلي ويًا الدود
العود: بيشبه طبع القمح
العازف: حابس للأنفاس

أُمِّي حَدَاهَا طِشْتِ نَحَاسُ
تَحْطُنِّي فِيهِ تَصُبُّ الْمِيَّهَ عَلَيَّا
كَأَنَّهَا نَازِلَةٌ مِنَ السَّمَاوَاتِ
عَطَاءُ مِ الرَّبِّ
نَطَّارُ يَا رِيْقُ الْبَنْتِ
لِئُمَّا الْوَرُودِ مِنْ عَلَى جَبِينِ الْخَلَائِقِ
الْعَرَقُ سَبَخَ الْغِيْطَانِ
دَجَّالٌ بِيْدِبُ رِجْلُهُ عِ الْقُرَى
مَوْلَانَا بِيْدَعِي الْمَوْلَى يَنْجِيهِمْ
الْمُهْدِي وَسَطِيهِمْ _ لَكِنَّهُ مَشْ مِنْتَظَرُ _
مَسْتَعْجَلِينَ الْخُرُوجِ _ أَيِّنَ الْمَفْرَ؟
ضَحِكُوا الْمُؤْمِنِينَ
حِينَ شَافُوا بَيْنَ جَبِينِهِ _ كَفَرُ _
نَادَى الْحَجَرَ وَالشَّجَرَ لِلْقَتْلِ
الْكَائِنَاتِ سَبَّحُوا بِالْدَمِّ
فَ اسْبَحُوا فِي الطَّلِّ
الذَّنْبِ لَاحِ فِي الْفَضَا
مَشْ لَاقِي ضَلُّ
يَا مَنْ ضَلُّ سَعِيَّهُ فِي الْبَارَاتِ
يُوسُفَ وَالسَّبَّعُ بَقَرَاتِ
أَحْلَامِ قَدَّتْ قَمِيصَ النَّهَارِ

السجن زي الغار
كل الأنبيا ضد النظام
مش كل الولاد يوسف
ولا كل البنات مريم
ولا كل النايانات بتنفع المجاريح
الكون فسيح ف عيون الصغار
مش لاقى دار
إني أسألك الطوفان
ملعونه البلاد يا نوح

آمنة

أمي
اللي كفرت بالدعا ع الظلّمة
غرقت سجادة الصلاة بالصبر
كانت بتحلم تملي بالثورة
وضم أبويا لحضنها ف القبر
مستحملتش تشوف أخويا
ف ضحكته كسرة
ولا صرخت كما نجلاء
يامعشر الجهلاء
السجن إلهاء
الظالمين عن الفناء
إحياء للفكرة من جديد
كمان بيعرف ف حضرة شهيد
يا آمنة
احفظي دعوتك ف سرك
ليها عوزة

ساعة إيماناً بالمعجزات
وحاجات كثير ماعوزنهاش
ف خدناها
بلادنا ندأهه
وانتي يا فاطنة
مش حاسة
راضة ليه الأمل مكان الكاسات
صبيتي ليه الحلم ووهمتي روعي بالسعادة؟
الليل حق القهوة السادة
مش علي سبيل العمق يا سادة
أنا أصلا بكره القهوة
لكن ده وقتها
سابت للبشر خدّها
ف باس الوجع
شفايف الفنجان
شهوة حانوتي للأبدان
الحبس: رقص الناس لحظة الزلزال
الحبس: قيام الليل
وتأمل طول النهار
حيطان ف حيطان
إحنا سلام يا أمي من جوه
والي باين «سورة الإنسان»

الجِئِرَال

فاتح كل عراوي الروح
وبيرسم سيفي المتلطح بالعار
قبر الجئرال قبل بداية الحرب
عارف إيه
علمني الصمت
حين رفع إيداه العسكري
ونزلت عيني ف الأرض
عرفت يومها إن وشوشنا
اتخلقت للضرب
الأسفلت اتوجّع من مشيك
ف ماتضربش الأرض بالعكاز
قلبك ورنشته دم
ولاً الجزم دي إزاز
مابقتش قادر تبتمسم
ولا باكيت م الغاز

سَمَّعَنِي صَوْتُ الضَّحْكَ

حَتَّى يَا سَيِّدِي مَجَاز

صُبُّ مَرُّ العَمْرِ قَهْوَةٌ

وَمَا تَخْفَشُ مِ الحِرَّاسِ

رَقَصَ القَنَاصُ عَلَيَا

-سَكَّتِ البَاكِيَيْنِ

_عَيْنَيَا

-شِيلَ بَوَاقِي الحَلْمِ مِ السَّفْرَةِ

مَاحِدَشُ هِيَ أَكْلُ مَن بُكْرَةٌ

كُلُّهُ هِيَ كَسْرُ اللَّعْبَةِ

يَارِبُ سَتْرُكَ المِيعَادَةِ صَعْبَةٌ

وَكُلُّهُ سَاقِطٌ فِ الحِسَابِ

كُلُّ مِشَارِيْبِ الدَّوَلَةِ

حَاسِبٌ عَلَيهَا الشَّبَابُ

دَابَّتْ رُوحِي

زَى التَّلْجِ فِ كُوبَايَةِ العَنَابِ

وَأَزْرَقُ النَّابِ وَصَبَحَتْ مُخِيفٌ

كُلُّ اللِّي عَرَفَنِي قَال: طَيِّبٌ لَكِنَّهُ كَتُومٌ

حَبِيبَتِي بَكَرَهُ نَصُومٌ عَنِ الحَلْفَانِ

وَنُرْجَعُ تَائِي

وَنُهِدُ جِدَارَ فِ القَلْبِ وَنَعَانِي

جوه الحواديت
بكفاية يا ريت بكفاية يا ريت
هاقي يا أمي ف إيديكي بواقى البيت

البلد ضاقت
والحيطان مش عجوة
فيه فجوة
بين السما والأرض
بكره هينطبقوا علي بعض
واحنا مالناش مكان فيها
جمّعي صور العيلة
وتعالى نعزم الأموات
على أي حاجة بتحبيها
أبويا كان سايلي السيرة
ونضارات قديمة وحنة طيبة وعصيته
وحاجات كل ماالناس تشوفني
تقول اللي خُلف مامتش
وانا هنا بارفُص
وحبييتي بتوهبني الشمس
وبتوهمني
إن الصلاة ف القدس

مصر اللي كله فيها غِطْسُ
وما حدش طَبَّ
خَرَّجني من هذا المَطَّبُ
يا مركبي الشبعانة بشر
صوباعي اتحشر
وانتوا بتزمووا قلوبكوا واربوا الباب
آلات .. آلات .. آلات
قالت: سلامات يا وطن وبعودة
القطن كلته الدودة
والبنات مش لاقيه ضل
وكل السكك مسدودة
آلات ، آلات ، آلات
أنا ابن الكمانجات والعُدُّودة
أول من بكى ع الأرض
أول من علَّم الصحاب
تأويل الشعر ع القهوة
سُكَّر الحبيبة م القصيدة التافهة
عمر بيتخلط بالحبر
الوطن يعني صبر
جبر الخواطر يا بلد
وآدي الولد والشعر

نبأ

كانت بتكتب اسمي على عروقتها
وتعشق خطوتي ليها
كانت المملكوت
وانا السابح من غير جناح ولا ريش
هَجُّ العنكبوت
مين يحميك يا نبي م الجيش؟
مين يجاوب ع السؤال لما بينقطع الوحي؟
هل تأتي القصيدة بالنبأ؟
شوفتك على مشارف سبأ
بتوسوسي الهدُّهُدُّ
شوفتك ف آخر السبق
وانا كنت باتنهد
جرיתי علي شجر النبق
وانا لسه باتعهد
إني هاكون

_ لا مش هاكون زى ما تحبى_

لانا عبدك المجنون

ولانتي قد الشعر

احضنيني ف الخفى والجهر

لا بلاش

شبعث أحضان مابتدقيش

طبطني علي كتفي الشمال

بشوية بلح وياميش

فيه مَلِكْ بيقيدُ ذنوب

وفيه قطر فاضل عليه يادوب ...

ويخطي آخر قضيب

تفتكري هنتقابل هناك؟

«ماقدرش أنساك»

لكنك بتعرفي تتجاهلي

وانا جهلي أكبر بعلوم البعد

لو تعرفي إن حلمي اندفن ف البحر

واكون غداً للسّمك بدال الدود

على الأقل فيه حد هايستفيد بموتي

صوتي محشرج

من آخر غنوة ماغنتهاش

مولانا كان حشاش

لكنه بيعرف ربنا
حتي اسألوا حُصِر الجوامع
كانت بتتكوي بالدمع

(وكانت بتحب الفلسفة / والرومانسية ف الحرب / والقلقاس / والباشميل
بالموتزيلا / وكنت ماسك عليها صور ذلّة)
سيبك من كل ده مش شعر..

ربّعت إيدي كما الأطفال وباكيت
عيل بيهرب من قبر أبوه لقبر الحياة
وبينتظر حنّية الدنيا حين ترفع الخزران
اضرب على ظهر ايدي عروق
اصبر من المرُّ ياما تدوق
أركع وانا ضهري كله ذنوب

فيه صوت جوايا زي قَفَلِثِ الدُّكَان
باحفُرُ مش لاقِي في روحي مكان
هادفني ف عرقها
تفتكروا هاتنفسُ؟

الخليفة

ليك إيه في البلد
وانت عديم الناس؟
طالع زى هایش حوالين الترع
لانت ابن الطين واضربك فاس
ولا انت زرع الشيطان في أرض الملايكة
محوطاني قلوب شايكة
تشبه حدود العدو
وانا جتتي مش شاكية من قلة الطبطة
عوّدت عيني بيات فيها الليل مطّمن
وتضحك ويّا العيال
وسناني تبان بيضا
رغم الشاي والدخان
كتفي عمره ما نخ
من كتر ما شال عفش العرايس ، وعروق الخشب
نصبت الصوان جواي

قریت ما تیسّر من حکایتي
ورقیّت کل البنات الی طلبتهم

وما نولتھومش

وما لومتھومش

علی قلّة القدرة

قايد شموع فی كل الكنايس لاجلك یا عدرا

جايلك وبايس بكعبي الأراضی

وشرعی الی فاضی من كُتِر الدنّس

قايد بخورك فی كل الجوامع

وساكن تکیة رصیف الشوارع

باعزف بناي بیكي علیا

باعظّم سلام لكل الی فایت عنیا

من غیر ما یطفي الأمان

واقف طابور

وقلبي صبور علی كل العباد

عشان تعيش فی هذي البلاد

اتأمل مشي النعوش

اتبدّلت الخشبّة مکان العروش

یا وجهی العَبوس

وكنت البشوش

اوهبني دموع اللقا \ یقین الدعأ

بإني هاكون الخليفة
في أرض خضرة
لكن ضعيفة
رغم افتراق البشر
الدم نفس الدم
والانتصار للعدم
مين قال القلوب اتبدلت؟
هي هي نفس القلوب
بس زاد العشم

مُسَالِم

جواك وجع يستاهل قصيدة
قطّع صوابك مامسكش القلم
من كام ألم
أنا كنت باعرف أقف قُصاد المرآية
واسرّح ف شَعري وأعدل قميصي
وأسأل صحابي
_ عن رأيهم في النص _
رَضُ الكلام أسهل
من وصف ابتسامة موت
على شِقَّة عيال داقوا الرصاص
بدل الكِرْسِيِّ ومُكْسَبَات القمع
حَرَسَ سِلَاح فيه جَمَع
شوفت العسكري ماشي متقاطع
والسلاح أتقل من كتافه الخاليه م الألقاب
فرش السنان / سوس الودان

كره الحيطان للحيطان
أنا بكره القافية_
لكن اعذروني مش ده المهم
أنا عندي رغبة في موته تانية
سيبك م الانتحار
الدولة هتنتهم الزحام
برمي الجثث ف الزبالة
وتفرض ضريبة
يا ضميري كفاية إهانة
للجلاد اللي جوايا
باشفق ع الناس صحاب عمارة
اصلاح النفوس المريضة والشكوك في بعض الحاجات
تجاهل المنبّه / رنّات الموبايل
الرسائل من ناس ماتعرفش غير اصطناعك للمبادئ
في إيدي شاي بلبن
والتانية ماسكه نفسها وبترتجف
مفروض عليا أرمي القنبلة دلوقت
واهز الأرض
هي اتهزت م الضحك
ماحدش عنده استعداد يشوف المهزلة
عيل بيخاف م القبط هيحرق العالم

مسالم .. مسالم .. مسالم
حتي في دَهس البيانو
باحبِّي إيدي عشان ماوجعوش
واشدُ وتر الآلات
وبانفعال مُبْتَدء هايِعزِفُ قدام حبييته
«بيني وبينك سور ورا سور»
بحبُّك وانطلق عصفور
سابوا شنطهم في قلبي وسافروا
هما بيقصدوا وجعي ولا سابوا ذكرى
عشان أشوف رشح في سقف البيت
قبل اما يضييق عليا
هذا السرير ماهوش فراش النبي
ولانت الصبي عشان تنام مرتاح
شالوا من عليا الغطا
_كابتن اصحي انت وصلت
_إحنا فين؟
_مش مهم
ماكنش معايا تراب يكفي
عشان أمشي وماحدث يشوفني
كأني وتر نَفْسُه يدنْدُنُ
هاعيش إزاي لوحدي؟

أهل السبيل

ماتستغريش سخونة التلج
وجري السلحفة
رقص الزمن علي جرحك
صب دمعك ف الكاسات
سكروا الأموات على الأموات
بسؤال الفاتحة ع الكولدير
يا أهل هذا السبيل
خذوا أربع من الطير
وفرّقوهم ع الجبال
شكّ النبي فداق حلاوة الإيمان
طيور هَزَمَتْ الأفيال
«للييتِ ربُّ يحميه»
للنبي ربُّ يُنْجِيه
مِنُ النارِ / السَّكِّينِ / الكفارِ / البير
وكتير حاجات

صَلْبُ حلمك ف الساحات
الكون مرآيات
والكل أصلاً جزء من بعضه
متفرقين علامات
ظاهرة على خده
وقت الرحيل
اوصف وجع النخيل
ساعة م شعبط الواد
حلمه ع الدُّوقَاشَة
الضحك: شاشة عرض الشقيانين
مفتوحه يوماتي بِنُكْتَتِين
شيل الهموم ف الجوف
أسهل من بوحك ف الفضا
أصعب كثير الخوف
لحظة استيائك م الرضا

حببتك
ماكنتش بتعزفك صبا
انت اللي لحنك خاب
ضلّيت آلات حوا
ف وتر المحبة غاب

دندنت الآهات سرا
ف الشعر فَيَّا انساب
سبحانه مَنْ سوا
قلب الحریم مقامات

وامعتصماه

هي عارفه إنها
زاغ البصر من حسنها
فلم ترمي عَيْ القميص
كي يترد فياً الشوف
يا شال الصوف
أنا نولك
مَلْ قلبي الطوف
امتي هنولك
شَقْ صَدْرِي الخوف
وانتي مكلْبِشَة ضلوعِك
وحيد ف الليل
والليل: مأوى العارفين بالله
دمع العازفين ع الناي
حلم المسجونين بالنور
صَمَّ الحليب للشاي

يا مؤمنين بإن الوطن أصله «مَطَائِي»
وحاملين ف قلوبكم الشوقه للترحال
من «السويقة للوادي»
الغربة: أصلها بلادي
يا بنت الوجع والحُور
السَّبَّحَة معقودة في فتيل مَصْهُورُ
نَجِّينَا يَا رَبِّ م (الكُفُورُ للكوادي)
سيدي يا حبشي
قدمتلك كبشي
نجيني م الحاضرين
شيخي يا أبوبكر
مولد يا سيدي ووكر
اجعل خشبتي تطير
اسألوا أهل اليمين
مين أكثر الحاسدين لدمعة العاشق؟
أخذت الكتاب وف صمت
مش عارف ألتفت وأرد
دي الآخرة وَّلَا حلم؟
مين اللي خلق السُّلْم؟
ووحد ما بيننا والكرباج
وكانهم أصحاب

يا دمعي يا فاير
النَّيِّ لِلخَدَّيْنِ
صَدْرِي ضَرِيحِ أَحْزَانِ
ف ارموا عليه ضَحِكِكُمْ
واثمنوا لو تنسوا
تكشيرتي نص الليل
معجون اليقين بخمرة شكوك
حتي ف الوضوء باتلغبط واعيد
وأكثر حاجة بحبها صلاة العيد
عشان بعدها بضرب صواريخ
و بحب تاريخ ٨ / ٦ جداً
عشان يوم الاعتراف
وانا مش دَجَّال ولا عَرَّاف
عشان أعرف من كفوفك
لون الأوض ف البيت
اعذريني إني نسيت
أدرك معاني الحظ المعاند لقانا
ولو انتي فاكرة إن الوطن بيجمع شملنا
إحنا أصلا متغربين
ممکن أكون شخص عادي
يحبك جدا وانتی کمان عشقاه

ندھت بصوت إعصار:
وامعتصماه .. وامعتصماه
_متقدملي عريس
وامعتصماه
_هاجي اخطبك
_وامعتصماه
_مالك
_مفیش
عيل بیشر ب حشیش
عشان ینسی الی ما افتکروش
یا ورد طارح ف الخدود بلا غصن
هاتی م الشفایف ضحکتین ف الصحن
املی العیون بالکحل
زیدی الوصال باللیل لا تقطعی الاحبال
وکسری المسافات
لا تقفلی بابک
ارمی علیا القمیص
ولا تکشفی ثیابک

بطلت أكتب

بطلت أكتب

عشان ما اجرحش روحي أكثر من كده
ولا أطلب من حد الرضا

في وجع صاب القصيدة ف صدرها
هي الفريسة ف صُمَّها ناحيتك
يعني الغريزة جرَّتكَ لحد الشارع
يا دموع على قفْل الجامع
مغلق للصلاة

الله الله

زهقت م التكرار

كان في زوَّار في قلبي

بس زهدت كوني سبيل

سيبوا كل حاجه جوايا مكانها

أنا مش ناقص تفاصيل

شكرا يا حبيبيتي
خَلَّتْني أنام من غير ماعَاتِكِ
واخبط راسي ف راس الحيط
أمشي عيبط بيرمي همومه لكل الناس
شربت الكاس الفاضي سِكرت
وَطَّيت ع الأرض
وقولت يارب يارب
كفايه عياط
شكرا يا حبيبيتي على سنين الاحتياط
والركنه فوق الرَّفِّ وسجايري اللَّفِّ
وكل اللي شاف حالي وقال لي بلاش
_ ف اتبع هواه _
سُدَّيت المسام
ضد النظام .. ضد النظام .. ضد النظام
مش هارتب الأوضه تاني
أنا اتعودت أشوفها كده
ماتنصِّفِيش الدنيا سبيها على حالها
إحنا نازلين هنا نخلص ذنوب
راجعين والدمع مالي الجيوب الفاضيه م الأصحاب
اركن لي خلف الباب
أربع طوابع بريد واتنين جنيه حق الشاي
نحب نشكر

أحزان مصطفي كامل وطعم الناي
في حلق كمانجا صعرانة مستنيه حزن جديد
باقابل الناس من غير مواعيد
ويوسهم من هنا وهنا
لعبت ع القانون وصوابعي منمّلة
هو البيانو عجوز ولا الجراح مؤلمة
الشارع مليون مُسيلمّة

النهارده هنتكلم عن الدولار
والحزن الخام في بلاد النفط
والاستثمار في خلق الله
والاستشعار في قلوب أسمنت
بلادي أنا حُنت آخر جنيه ف جيبي واشترت مناديل
ودُرت أتحّي بيها الناس ف العزا
رحمة ونور
سَدَدْتُ عَلَيَّ وَقَعْتُ
أقسمتي لي بالطور
شبيّت فوق كتافي
السجن من غير سور
حُدْ مني هُتافي
واعطيني بدل الناي بلحة زور

صوتي راح م العزف
لا من كُتّر النّدا يا حبييتي
أول مره أحس إن العالم ممكن يتولد من خييتي
مسكت ايديا طب
وانتى ليه سييتي
أهو جت مكانك إيد
القلب بيحب التجديد
من نظرة عين وقفتك قصاد المراية
تشبه لاتنين في سرير مكسور اللوح
مَرَبَّتُهُ مافيهاش روح
مسامير بتنوح في الخشبات
دمياط تشهد إن ضحك العرايس أبلاكاش
فك تكشيرتك
كل اللي قسط حزنه
هيدفعه من الليله كاش
_تدخن
_هات؛ ولّا أقولك بلاش
يا مطر عشان في ضحك و شاش
وقرّ دموعك ف السما
ليلي بتنضف جرحها بقماش

طاهرة

العمي أهونُ

من إنك تشوف قلوب الناس عريانة
أو تشهد على أكلهم لحمك في الغياب

ماحدش بييموت ناقص بُكا

فَلا تكتم الدموع جواك

ماحدش بيعيش على ضحكك

ف بلاش تموت في الوهم

العشق سهم صاب قلبي الحزين

حببتي يا آخر عهد يعرفه الواصلين

أنا روحي سبيل ف ضميني

يمكن ألتقي ف العيون زَمَزَمَ يطَهَّر جتتي

باعرق ذنوب

فَصَّبِي دمعك ووضيني

زَمِّليني .. زَمِّليني

اسعي بينك وبينى

هَزِّي النخيل
يا أم الكعوب خلاخيل
قلبي عليل
وبيرتجف لما يشوف طيفك
رجّعيني للحظة عجيب الطين
قبل مايكون ف الكون أي شئ
شبّهيني بخلق عاشوا ف الأزل
قبل مايخاف أبويا م الشجر
ويشتريلي سلاح
قبل ماتخاف أمني من تأخير الطيخ
وقطمة التفاح
كلميني عن الكائنات
اللي مركبتش السفينة
ووداع الصحاب وقت الطوفان
عن حلم العيال بهدم السجون
وزرع الورود مكان المشانق
حَفَرْتُ الجتة خنادق
للعابرين فيّا
الصبر أغنية
والشعر بالنية
والذنب ع السامع

أنا قلبي كان جامع
وسط الغيطان اتهد
بالفرمان م الحي
لساك يا قلبي حي
ف اسلكوا الطريق خلفي
وامشوا على نهجي
وانتوا ما تَضَلُّوا
لكنِّي انا صَلَّيت
سامحيني يا طاهرة
واقف علي الاعتاب
لاترُدِّي خَطْوِي
قفلوا الشوارع وغلقوا الأبواب
غريب والأرض رافضاني
احضنيني واكشفي عني الحجاب
طهريني وسط خلق الله
اعزفيني بين ضلوعك
يكتمل لحي ف أكونك
ينتشي عضي يصونك
إن قالوك لسه عاصي
خبريهم إن شِعْرِي كان صلاة

كاس اللمون

إرمي همومك في كاس اللمون
وابتهل قلب أسقع م الجليد
ارخي شموسك على تلك العيون
نَشْفُ دموعك برمش البعيد
طال سجودي ف اتعريت
يارب انت عالم
أنا مش حمل عود كبريت
عاصي وقلبي خزين
في أوضة فيران
مِتْبَعَتَرَّ في رُكن خزين
أعمي بيوزع سكك وبلاد
حطيت دماغى سريري كما الجلاذ
باشتاق لحاجات عمرى ما حسيتها
الشمس سال خيطها

على اتنين ماشين هنا دلوقت
بس الوقت سرقهم
يا دمعة الأسفلت
تشبيك الإيدين بالطَّمي والأسمنت
الخصن أرخص لما كِدْبِثُ
الضحكة اتسابت
في مج الشاي فِ بَرْدُتْ
الخباقَة ع المفارش والنجف
والعهد اللي بينا
بلاط بيوتنا الخشن
بيختلف عن سيراميكو التعيس
شقوق حيطاناً بينبعث منها أبويا
انتوا بيوتكوا نضيفه بس بايخة
ضحكتنا شايخة
لكنَّها تسمع آخر بيوت الحي
مين شد كُوبس الضي
مفتاح عيوني اترمى في صدرك
أتُدْرِيتي مني في مشهد المغتصب
اشهد أيها المعتصم
إنك جبان
شاديت كتافك في صدرك زيها

مأعرفتش تنام
سألت الصباح
عن سر ضحكها
مألقتش غير أحزان
داير توزع حِكْمَ وانت الغبي
تفهم تعاند الأحضان
بس بس بلاش زعيق
صدري فيه قطتين نايمين
لقيتهم في وسط الطريق
أُصَدِّق في عشقهم
م القلب لما يضيق
ارمي مشاعرك فيك
كاس اللمون فاضي
بزيادة داب التلج

عيل من المماليك

وليكي في الأعالي مكان
يا ضمة الجنة في ضلوعك
الأرض لا تشتهي الريحان
ف لا تبسطي كفوفك

يا طارحة الضحك ف خدودك
ومفرقاه على المخاليق
رحمة ونور في عز الضيق
دارت وشَّها عني
حاسيتني آخر عيل من المماليك
ماشي ببيكي ويغني
كانت تقول: لما تتوه مني
انطق بحبِّك تلقى الدليل
وانا العاجز لساني ع التأويل

مادّيت الخطاوي

والليل يبسقب خطوة التايه

والنيل يبشرب لهفة التايب

يا رب نظرة تجمع شَمْل العباد ع الأرض

ملهوف بيدِّي الرصيف م البرد

داير بافتش ع الوشوش

أصليّ ف الموالد قرَض

وسط الطبل والدرواويش

يمكن أشوفها يا طاهرة فاعيش

والشوف وليف جفاف الروح

صوتها اللي كان مدبوح

من كتر النداء باسمي

يا صالبن جسمي

سيبوا صورتها علي صدري

ومرّقوا الباقي

يا رب نظرة

كان الصليب عاجي

شرياني يا تاجي

مد الحبال بينا ؛ صعب الوصال بينكوا

سجّادتي مفروشة
وحبييتي منقوشة علي القبلة
والنقش عثمانى
أنا ينساني ساعة العشق
قلبي يثبّت مهما يتقلّب
يسجّد وقت يتصلّب
يناجي فتور روحه
يعيش ملكوت بوحه بالأسرار
كان انكسار ضلعها بيداويه الحضن
نَهْدَهَا: كان يشبهه شكل القطن ف الأراضين
كل الديدان لابسه بني آدمين
الشفه حَمْر والسُّكْر دين
فَلَمْ أَكْفِر يومها بالتقبيل
الخصر جمر
فلا ترقص على الحبلين
القلب أوفي من النخيل في الغيطان
والعيون قناديل
بتضوي ف عتمتي بنهار
وإنا المنهار قصاها ف التسبيل
حبييتي: آخر نبع للملايكة أصله طين



الرجل السيء إلى رياض الصالح حسين

باكيت

نزلوا من عيني بلاد
وبنات على شكل هدايا بفيونكات
وولاد راضعين الجوع
قالت : كان جوه عنيا نجوم
راحوا مع أول عيل مات
إيديك الخشنة بتبرد قلبي
وتدفي ضلوعي في السلامة
خربشت بضافري لحم الحيط
نزف دموعه الدم بالألوان
لمّيت في حشايا البيت
وحضنتني عيون الجيران
طب ليه يا قلبي بكيت

وفصّلت من لحمك توابيت
 (فتحي) مركب ورق في بحر غريق
 هاينقذني قبل اما اوصل للبراميل
 مايعرفش يعوم هيقيضيها صريخ
 بنعاني والشعر في كفوفنا
 لم يابني مقام و لا حتى ضريح
 انت الجريح في صفوفنا
 ولأ صوت العقل؟
 قالت: انت الغريب في بلاد العنب
 كَفُنوك ع الرّفّ جوه العَلَبْ
 انْفُضْ تُرَابِكْ اصْرُحْ وانْطَلِقْ
 واوعاك تسألني مين السبب
 حبييتي زاد الوجع
 لانا قادر أشيل الحِمْل
 ولانتي قد الكُحَّة وقله الحيلة
 أنا جندي في جيوش النمل
 خاف م النبي وعيِّطْ ع الصحاب
 تفتكرى هحك أكثر جوه الحيطان
 كان لازم أموت قبل اما اعرف
 إن الختم أهم من الإنسان
 والجنرال زيّنْ كِتْفُهْ بجماجم

وسلام بيتنا مكسورة و حزينة
أسبرينة و حبة شاي
صُداعي سَدُ خرام النَّاي
ولسه يتملوا علينا شروط
كان لازم أموت

حين طليت علي وش البير
لم شوفت الطفل ولا العصافير
الشارع بيغير لما بنصرخ
وبيخنقنا
حين نشتاق

بوشناق «يا زارع الريحان حول خيمنا لا تزرع الريحان لست مقيم»
الصبر من عندك يا مالك الأكوان
لين قلوب أنشف من الصوان
شاب الفؤاد طقطق بياض الشعر
نَشَّفُ دموعي غرقت الصوان
أنا الغريب عمري اثنين وعشرين حبة رُمَانُ
ماملكش غير الوجع
وحبة طينة وصلصال

البيت

شيلت بيوت الحتة وطوفت
بدّلت الناس بحيطان
عَلِّي أشوف بدل الطوب والأسمنت
بواقى الإنسان
يمكن يتبدل بيتنا بأبويا
فاحضن درابزين السلم
وابوس العتب بعد اما اتشاكل
يمكن ألمح أمي مكان الشيش
تفرد جناحتها الريش
وتضميني ليها ضم الحيط لصورة أبويا ف وسط الصالة
أمي حرة لا تخاف الرجالة
حين قالوا هجّالة
فكت طرحتها ف وسطهم
وصاحت زى الهجّانة

رفعت صوتها كراييج:
عيالي نسيح علي نول الدنيا
أغزل فيهم طيلة العمر
عمرى ما أمل ولا احضن
غير الذكرى
ريحه الهدمة ومخذتنا
الضحكة اللي سندات بيتنا
م الليله مش هغسل جسمي
عشان حضنه يعيش
عرقى هيخلي النور يترد
واشوف تطيش
الدمع الساكن عيني مكان صورتك
بيخلي الليل بيفوت
بأدق اليوم باليوم حد مااموت
باتونس بأخر كوباية شاي لم تشربها
باخذ كل ليل رشفة
باشتري يوماتي فاكهة لعياك
لم أحرمهم من شئ
ذاكروا ونجحوا وجبتلهم لبس جديد
حبل وريد واصل بيني وبينهم
هحكيلك حكايتهم

- نجلاء

لم تَدُوقِ حَلْقِهَا النُّوجَةَ

من يوم ما سرقتك الدنيا من وسطينا

شائلة جبال فوق اكتافها

وما طرفش عيونها الرمل

ولا سابت شراعتها للريح

ف انحنى ظهر الواد محمود من كُتْر الهَمِّ

_حمادة

الحظ معانده عناد موسى للخضر

عناد اليهود لموسى

وسط الصحرا مش لاقى دليل

خارج م الدنيا بتلاتة

وردتين لم يتقطفوا م البستان

وسيف الدين آخر صبره على الدنيا

_عبدالغني

مليان باوجاع بيشبه ليك

هو اللي سايب اسمك متعلق ع اليافاطة

ذكراك حاضرة مع وجع الرُّجُل

السجن خد منه كتير ورماه

ومن يومها يا حول الله

_باسم

ضحكته وراها بلاد
لم يسكنها عباد
شايلى ف قلبه حنين لكل رماد
نفسه ف بنت تزرع ضهره نخيل وورود
ويصب دمه ف صدرها
صابه الوجع والضيق
يارب مش لاقى الطريق
أما أنا
آخر عنقود من عنبات آمنة وسمعة
نهاية الكف المتشقق من أثر البعد
لم أعرفك يابًا
غير م الصور والحواديت
من حضن أمي ف عز الليل
ودمعها الي ياما كهربني
وكنت مغمض
أحسن تلمح عيني الموت
أكرمنى الله بزيارتك ليا
وزرع النص مكان البيت

الكف

كفوف الفقرا
بترسم أرض فوق الأرض
السماء: تجاعيد ملامح بعض البشر وقت الدُعا
الشعر: عمره ما هينشَّف بُكى المساكين
ف ماتنظروش ليا بشئ م النقص
اخلع نَعْلِيكَ
يا محلى الرقص ع الأشواك
مافيش بين العشاق ورود
كانت وتر مشدود يبتغي التقسيم
وانا كات ايديا بتزْعَش ف السلام
صَبَّيت دموعي ف كفها وغنَّيت

عناقيد .. عناقيد

يا أم العيون بيت القصيد

الكحل راسم طلتك ع الليل
شعرك مقام
فكي الضفاير ف الطّواف
أنا قلبي زار
ف ارقصي علي دفته
أنا شايف تحتك أنهار
ما لا عين رأت ولا خَطَرَ على قلبي اللي انفرط حَبَّات
أنا شايف بين جبينك سبع سماوات
حَنِيتْ كفو في بضيَّهُمْ
وراميت الحكمة لخلق الله
لاجلن يشوفوا الطريق
فبقيت عريان وسطهم بلا مأوى
شربت الشيشة ع القهوة
وأذرتهم بإن عذاب الضمير أقوى
لَقَطُونِي وَرَمُونِي
وانا مش يونس ولا نوني
هيحفظ ما بينا السر
أنا مركب حكم عليه العمر يسكن الرملة
واما يحن للرقص ع الموجة
يئن السمك وتفيض دموعه ببحر
يغازل شراعي الريح

قلوعي تبتهل تسابيح
يا آخر مسيح بيضحك ف وش جلاده
وبيرد ضرباته بمحبه وسلام
يللمم دموع المجروحين على كُفِّه
طوبى لمن اتضرب على خده ف بَكَى
حين لمح الملائكة بتسجل ف الدفاتر ذنب
خوفاً تمس النار بشر
يا أول ذبيح بيوفي ندا الأوطان
ويصون عهود الأنبيا
ويلضم حبات اللؤلؤ بالمرجان
سبحانك إحنا الأغنيا
باستغفر جهل الإنسان
نفسى اللؤامة راضية
بامنح العذر للشيطان
عن كيره بالمعصية
لإنه بيشبهنا كتير
حين نجلس على كرسي العرش
ونحاسب الخلق على خلقة .. كَفُنَّا

هنا

هنا العهر بيتولد
ف عز النهار
على وش العيال المتهجرين
تحت احتلال الكبارى
استيطان الإشارة فرض عين
فاكفل طفل اتحرم من التنظيط
والضرب عشان ماكلش الساندوتش

هنا الهرمونات اتجمعوا
على نهش الصَّيِّة
نَقَطُوا بالنَّفْطِ
حُطُوا إيديكوا على صدرها
ووحدوا الوطن الشريد
غَنُّوا آخر نشيد

عَبَطُوا الْعِيَالِ عَشَانَ يَحْفَظُوهُ
هَنَا اللى بيقولوه بينسوه
فَأَلِقِ عَلَيْنَا مَا تَيْسَّرُ مِنَ الْأَشْعَارِ
جَهَّزْ عَصَا التَّرْحَالِ
وَهَاجِرِ بِلَادِ بَتَقِيسِ حُبِّهَا بِالرَّقْصِ
عَلَى قَدِّ طَبْلُكَ
يَعْلَى صَوْتِكَ بِالْمَدِيحِ
يَا جَرِيحِ النَّايِ وَالْفَرْفِشَةِ
يَا أُسَيْرِ الدَّرُوشَةِ
السَّبْحَةِ جَلَالِيبِ الْخَيْشِ
أَكَلِ الْعَيْشِ مُرَّ
فَانْتِ حُرَّ
اخْدِشْ حِيَاءِ
كُلِ اللى مَارَسِيوشِ عَلَى بَرِّ

كُلِ اللى غَنُّوا لِلْوَطَنِ
كَانُوا شَبْعَانِينَ
كُلِ اللى لَعَنُوا الْوَطَانَ
بَيَمُوتُوا عَشَانَ يَحْيَا

يَحْيَى اتَّقْتَلِ وَأَنْتَا رَقِصْتَا

وماهنش عليكوا تَوَطُّوا ال (D.J)

دم النبي مَهْر المَلِك

النخل أصلاً زَمَمِلِك

ف ماتتطرش الطرح

المطر: مش للضحك ولا للفرح

عندنا زحلقة ف الطين

العصافير آخرها الزقزقة

ف عمرها ما تكسى فقير

القطر طول عمره حزين

عويل دخوله ع المحطة

بينبيء يموت البياعين

الأتوبيس كل اللي بيركبوه

جاين من على جبل الغسيل

هلاهيل ف صورة ناس

كل اللي بيديك إحساس

بينتظر المقابل

عيل يسرق سجائر أبوه وهو نايم

فلمُوا الغنايم .. لِمُوا الغنايم

وانتشوا بالطبل

سَيِّ

سَيِّ يَنْتُ سِتُّ قَبور

عشان لما نموت

ماحدش يَغَلَب

سَيِّ

ماعاشتش لوحديها ولا ليلة

دايماً تحب اللمة و الضحك

وعيونها الزُّرق يَمْطَرُوا فَرَح

لكنها تكره كلمة (يديكي طولة العمر)

خدودها الحُمر

شعراتها الشُّقر

أصلاً سَيِّ جدتها تُرَكِّي

وتملّي بتحكي عن ملك الموت

حين طاف حوالين البيت ونَدَهَتْ

وقالت له: سلمتك روعي خودني معاك

جسدي هزيل

مش هاقدر أشيل وحدي الأحمال

بالله ياملاك ماتسبني أعيش

مات جدي وقفلت سِتِّي الشيش

وقعدت وحديها على سريها

تشرب قهوتها علي غير العادة

من غير ما يبوس جدي الفنجان

طاف ملك الموت

حوالين البيت

خرجت سِتِّي كاشفه شعراتها البيض

بالله يا ملاك لتخديني معاك

مش عايزة أكب الميَّة على الصبَّار

مَلَّيت الآه

ماتت خالتي سهير ف حادثة

وكانت بتحج ل بيت الله

سابت ف رقبة سِتِّي .. بنت وواد

ورقبة ستي ثقيلة من كُتر الأحمال

باعت كِرْدَان

كان جايبه سيدي ف عيد رمضان

سِتِّي لسه بتردد

بالله ياملاك لتخديني معاك

مات خالي محمود
أكبر عيل ف عيالها
والراجل لما يموت
يطفي عمود
قايد ف بلاد مابتزرهاش الشمس
كان تملي يقول لأُمَّه
هاخد وش الأرض
هورتكم كلكوا يا ولاد الكلب
وقف القلب
والجهاز بعت إشارات
بيتم سبع وُلدات
_ بالله يا ملاك لتخدي معاك _
مات شنطة أول حفيد
يسكن ف الست قبور
كان أول رجل تخطي
من غير عكازه
سرطانه
كان ف اقدامه
لكن رجله كانت سُخنة
سحب الخال « عَمَر » الزاهد
الخارج م الدنيا بضحكة

وكنا بنضحك على حكاويه

«مطاي»

دي اسمها « ميتاواي »

وانت يا شاعر

وفى واد اسمه محمد

ساكن علي ناصيه هذا الشارع

هيبقى رئيس للجمهورية

عمر كان زي حمام كاره الغية

كان ماشي ف أرض الله

برّه السُّرب

باع أرضه

وكان رده

اوعاك تَكْنِزُ على صدرك المال

واوعى تستنى عطف الناس

بالله ياملاك خودني معاك

لم يعدي العام

ماتت « لُبْنى » الخالة الأم

الصاحبة الفاكهة الصابحة

ف الأرض البور

سرطان وبينهش دم الحور

ملاك لم يتهنى ف يوم

تملّي دموع
وستي وشها كرمش
تمانين حُول
بتدعي يوماتي بالمولت
يارب خُديني
اقطع من عمري واديه لعيالي
أموت ف سريري
ولاتحوجني لغيرك
اوهب روحي لاحفادي سبيل
وخف الحزن
من قلب تلاته عيالي
لساهم عايشين

مُرِيدٌ

لم يَدْعِ الفراق
ف قلبك مكان عشان تَجِبُ
كل الأماكن مقفولة
بالسلوتيب
ف خلي نار الشوق تَشِبُ
سِدُّ ودن الخوف تعيش
افتح خانة لروحك وقت ما تلقى شيش
كل الورق مكشوف
كل الدُعا بقصد الخوف بيترد ب « آمين »
وانت الوحيد ف آخر صَفُ
بتقول يارب اجعلني من الصابرين
«ويلٌ للمصلين» كله ف الرحلة أعمى
ف ماتدعّيش البصيرة
مافيش مجال للحيرة

وقت ما تلاقي السبيل
صوت المُريد
في قولة مدد
يوحى بالتخاريف
كان كل فكره يتولد
جوه منها إنسان عفيف
فلما يضعف قصاد عينها
يتذكر إنها مش ليه
فيدعي بظهر الغيب
«ربِّ اجعلني آية»
كل الحكاية
حلمه المبتور بفعل الورم
ماقدرش يضمّد للنهاية

رَأَيْتُ اللَّهَ

هات من عيون الخلق
آخر نَصْ قبل الانتحار
جثث ف صورة ناس
الروح خلاص
هربت من الأبدان
قلبك النبراس
مابقاش بيشع نور
كانوا فين الحُور حين كنا في الجنة؟
البت رَسِمْتُ حلمها حِنَّة
موشوم يا واد ب «أبو زيد»
والسيرة والمغنى
وسط الشَّقَا
ولَّيت وشِّي ع الكعبة
صلَّيت في جَهَنَّم الخضرة

شَرِبْتُ الخمرَ فِ الحضرة
يا منتهى الحبكة
شيطان بيشحت الضحكة
قالوا النبي العدنان
بيدعي جهراً في مكة
رَقَصُوا جوارِي قريش
عِ الدُّمَّةِ وَ التَّكَّةِ
شخلل جيوبه «أبو جهل» ببواقي الفكة
يا منتهى الرِّبْكَةِ
دلوني على مَخْرَجِ
يأْمُخِرْجُ المشهد بهذا الشكل
العقل ذاهب والقلب راهب
ونفسي يطلعي دقن
اكسيني يا رب قبل الدَّفْنِ
مَلِّيتُ كَفَنُ الرصيف
رجموا الفتاة حين طلبت رغيـف
الورد فَتَّخَ بِريحةٍ جِيفِ
فولوا وجوهكم شطر أي حـتة غير هنا
الأرض مَلَّتْ مِننا
حتى الكلام خارج ومش محسوس
ده بوذي ولا مَجوس

حرق الجثة ماكنش طقس رُوْحاني
أقوال كثير عن حرب البسوس
خيركم من يبدأ بالسلام
«لا تصالح»
يا عم «أمل» خليك محضر خير
ايه اللي خدناه من كُتر الزعيق
ريحة العطن مالیه الطريق
يارب عين قادرة علي التغميض
لم تخاف من صُداع الدين
يا دين مُحَمَّدٌ ع الشاشات
كذِبَ البخاري في كل الحاجات
صَدَقَ البخاري فيما رواه
صَرَخَ الفقير م الجوع
إِنِّي رأيتُ الله

تأويل

ملاك لكن الجناح محروق
طير بيضحك ف وش النَّشان
شمس بتشرق على قد الشوق
طين بيكره شكل العيدان
«إبليس» سَجَدْ وَلبَّى الأَدَان
«آدم» لسه تايه بعد نفخ الروح
«حوا» خايقة ف ساكنة الضلع
«قابيل» واخذ «هابيل» بالحضن
ومبروزين الصورة ف الصالة
«يوسف» لساه بيلعب وِبَّا الكواكب
مستخبي من النجوم ف البير
«مُحَمَّدُ» ملقاش خديجة
بعد امَّا شاف جبريل
قريش قتلوا «عَلِيُّ»

حين انكشف وشه ع السرير
«معاوية» رَفَع سيفه ونَزَلَتْ «يس»
«عُمَرُ» التَّفَتُّ وقت الصلاة

ف صَبَحُ القاتل قتيل

«أيوب» لم يصبر ع البلا

وشد فتيل الموت

كان إيه هيجرى

لو بطلت حبيبتى السكوت ؟

مش كنت هبطل تأويل التاريخ بمزاجي

وكنت هاشوف الزناتي

من غيرلا سيف ولا خيل

ولا كنت هبني حضارة

علي ضفاف النيل

حين حبس وريده عننا

جرحت دموعي شطوطه فبكي

طرفت رموشي عيونه فاشتكى

البت شربت م الكيعان هَشْتَكَّة

زهدت تجارب حياة الحريم

زَمَّتْ قلوب الرجال بالقدم

لَمَّتْ ف إيدها الحياة والأزل

وانا لسه ماشي بضي القمر

حِينَ بَرِّشَ عَيُونَهُ تُهَتَّ الخَطَى
سابق عليك المصطفى
اطفي السجاير نفسي اتخنق
باكتب عجزى دموع ع الورق
شايف عيون الخلايق رصاص
فَنَشُّنُ تجاهي
فارد جناحي تجاه الحرم
بصليَّ عليَّ الجنازة لوحدي
غنايا سابقني ييفرش خطاوي
خشوع الكمانجا
ودعاوي النيات
وصبر القانون
على صاحبي اللي رافض يقراي آيات
وضحكة جيتار ف وسط العزا
بيوزع عليَّ تسيحات الحصي
يا كل الصحاب من روح أو وتر
سابق عليكوا تأويل القصيدة
تحت المطر

بلغوا عني

بَلِّغُوا عَنِّي وَلَوْ بِيَتَيْنِ شَوْفَتُونِي فِيهِمْ وَسُطُّكُمْ

بارمي مشاعري

لبنت شايقة إن شعري

مايحلش شعرها المربوط ب حالي

عقرب يا برجها العالي

مهما اطبطب مايدويش

كأني شاويش مش لاقى التمام

أنا وانتي يا حبيبيتي دار أيتام

مَلِّسِي عَلَى شِعْرِي

واطلبي م الليل حبيب

نزلت دموع السما

مكسرات وزيب

«طَلَعَ الْبَدْرُ عَلَيْنَا»

واحنا لسه الضهر

مين السند والَصَّهْر
هل كنت أنا العكاز؟
تُبْتِي ف قلوبنا الإزاز
هنرْقُص حفيانين
متشعلق في حبالك ماتدوَّبِيهاش
هاقي ضحك بدل الشاش
وداوي الروح
في جروح على طَرْف المخدَّة
من دمعة امبارح
أول مرة أنام / ثاني مرة أنام / اتعودت أنام متضايق
واصحي ألمس نفسي
لسه عايش ماتخافيش
متعشم في لُقا الخفافيش
ممکن أكتب عن الوطن
وانتهاك الدولة لفرش الحشيش
والدراويش
والله حي
وبكره الجي بعد التَّعَب والرَّقص
باشرب شيشة قَص
وباخرج وبادخل كتير في النَّص
لصالح كتابة قصيدة تموت بعد اما أقولها

سَتِّي حَكِيتَلِي عَن لِيَالِي الرُّخْصِ
وَالعَمَرِ الِّي اشْتَرَوهُ بِالْبَحْسِ
فِ الشُّوَارِعِ وَالْمَنَابِرِ فِ القُصُورِ
يَا خَلِيفَةَ يَا مَنصُورِ
الأَرْضِ مَلِكِ النَّاسِ
مَش مَلِكِ حِرَاسِكِ
لِمُوا العَنَمِ طَوَابِيرِ
وَافْتَحُوا الشَّارِعِ
كُلِ التَّارِيخِ طَبَاشِيرِ
هَاتِ البَاشُورَةَ مَعَاكِ
سَلَمْتَلِكِ قَلْبِي
سَبْتِينِي لَيْلَةَ هُنَاكَ
بَانْدِهِ وَلَا جِيْتِي
جَبْتَ الرِّبَابَةَ وَقَسَّمْتَ عَلَي بَيْتِي
أَصَلِّي وَاسَلِّمْ عَلَي النَّبِيِّ الزَّيْنِ
قَطَعُوا العُنَا مِ الشَّرَائِينِ
وَإِنَا كُلُّ مَا آجِي أَحْضَنُكَ تَبْعِدِينِي
أُمِّي الِّي حَنَّتْ إِيدِيهَا
بَعَصْرَ الطَّمَاظِمِ وَعَسَلَ الصُّحُونِ
رَبَطْتُ شَعْرَهَا خَوْفًا يَسْرِقُنِي مِنْهَا المَوْتَ
مَدَّتْ إِيدِيهَا فِ السَّمَاءِ

وَحَنَّتْ عَلَيَا بِضَحْكَةٍ وَحَتَّةِ كَيْكَ
سَمِعْتُ شَخْلَلَةَ لَمَّا حَضَنْتَهَا
عَرَفْتُ إِنَّ قَلْبَهَا مَكْسُورٌ
كَتَمْتُ الْخَوْفَ فِي صَدْرِي
بَعْدَ السُّجُودِ لِلَّهِ
عَهْدَتَهُ مَشَّ هَتْدَارِي تَائِي فِي الْحَيْطِ
وَهَعْدِي الشَّارِعَ مِنْ غَيْرِ مَا اغْمَضَ عَيْنِي
وَهَرَجَّ كَتْفِي مَكَانَهُ
وَاسِيبَ التُّعَشِّشِ
وَإِبْصَ بَعِطْفٍ لِكُلِّ كَلَابِ الشَّارِعِ
وَإِرْمِيلِهِمْ عِضْمٍ بِدَلِّ الْخَوْفِ
سَرَقُوا مِنْ عَيْنِيَا الشُّوفِ
فِي نَزَلَتِ دَمْعَةُ الشَّاعِرِ
تَغْوِي قُلُوبَ الْخَلْقِ
وَإِنِّي لَسَهُ بِتَبْعِدِي وَتَقْوِي الظُّرُوفِ

الإمام

معزوف ف أرض بتطرح موت
معزول يا طين ف الأراضي البور
مافيش قصيدة وصلت الملكوت
ولا يملك الشاعر حق السكوت
فَحَرَجْم بقصايدك شجر التوت
وأستر بيه الغلابة
الشعر لم يقدر علي الدبابة
وقت دهسها للحلم
حد الحرابة لي حرق الفيلم
رقصوا العساكر
يا ضحايا السُّلم
«استقيموا وسِدُّوا الفُرَجَّ»
كان الإمام الظلم
تلى ما تيسَّر من المشاهد

كانت الصلاة للكبار فقط
شفت الولا دمعته
وغمض عينيه
بس اللي شافه ف سكته
كان م المستحيل يكتمه
(وأد البنات ، السجدة للأصنام ، حواجب الكفار ، وطبق فاكهة كبير)
وحاجات من هذا القبيل
كان جاهلي لكنه كان شاعر
له نصوص ف الافترا
جلده للوآ
لما انتشى بالرفض
كان مُدرك نفع الظلام
بحث الوآ عن ربه
ف عيون الإمام
زَعَرَ بعينه للسما
ليه بطلتي مطر؟
عزم عليها بكوبابة قصب
ويتمشوا على الكورنيش
الصورة غريبة
أغرب م الاحتياج للنيش
حد المفيش

أخذ الولا سيلفي
لما أصبح إمام في طابور العيشـ
ما يملكش بوز بطة
ولا يملك اللقطة
اعتبرها صورة لُقطة
بتعطف ع الفيران
اختار لبس للسما يناسب المكان
مشيت السما ع الارض
وساعتها خرس الإمام

وجع الحسين

وكات دعوتي من حزنها
بتهز أبواب السما
ف يطوف ملاك على ظهر غيمة
تتقلب الدنيا لفيلم سيما
من غير صناعة وإفيها
كان في إيدي سكر نبات وعسلية
يارب اوهيني بنت تشبه أمي بتلقائية
ليه أرتب دعوتي زي الجمعة الي فاتت
واكتم دمعتي واقول:
حبيتي تالت مرة تعملها وتسييني للقصيدة بعنجهية
أسبوت النور اتوجه عليا
متعلق ف سقف البيت بلا داعي
خايف من الغارة
زي النجف بارقص

مَدَّيتْ لَهَا دِرَاعِي
لَمْ تَحْضَنْ فِيَا غَيْرَ الْمَوْتِ
لِحِظَّةِ سَكُوتِ
مَلَائِكِ بِيَسْتَأْذِنِ
يَاخِذِ الْيَافِضَ فِي جَيْبِ الْعَمْرِ
مِثْهَانَ فِي عَيْنِ الْوَطَنِ
وَمَا فِيشِ فِي إِيدِي شَيْءِ
وَلَا حَتَّى بَلَّةَ رِيْقِ
بِنْتَسَابِقِ فِي وَجَعِ الْحَسِينِ
عَمْرِي هَزِيمَتَيْنِ وَكَامِ نَكْسَةِ
عَيْنِي جَتِ فِي عَيْنِهَا
يَا مَنْتَهَى الْوَكْسَةِ
كَتَمْتُ نَفْسَهَا
عِشَانَ تَكْمَلِ الرِّقْصَةِ
مَاتِ جَوَايَا الْكَلَامِ
يَا رِيْتِنِي مَا قَابَلْتَهَا
وَلَا فَتَحْتَ قَلْبِي لِقَبْهَا
مَنْ كَثَرَ الْحُفْرَ مَا بَقَاشِ يَلْمُ
فِي لَوْ وَقَعْتِنِي يَا حَبِيبَتِي
مَشْ هَاقُومِ أَسْنَدِكِ
مَا فِيشِ عُكَّازُ بِيَسْنَدِ مَرِيضِ

وهو معلقه ع الحيط
جايز يتقلب نبوت
من قسوة الزمن التراب
زى صناديق البريد
اللي جلدھا صدی و داب
من قلّة بحبك ف الرسايل
بأوى ديوان مكتوب عليه:
(غير قابل لروح الآدمي)
عايز صحابي واللي من دمي
يا مقبرة العيال / مقبره الغزاة
أنا كل ما أقول أنساه
ألبس الهاند فري
وبانفعال الصم أرقص
ويغيب الوعي
يا الله .. يا الله .. يا الله

وسوسة

جيت الدنيا حين شبعت ناس
ف باقيت زايد ف عيونها تراب
كساني اليتم
ولم أتم من السنين صوباعين
لفيت ما لقيت غير حزن غراب
وأرض يباب
لم تسع دموع الي ساكن
ف القلوب صبار
ضلوع الي شايل
ف ضهره بنات
باسقيكي بالشعر
الي انكتب بالدم
ورائة من حيضان الجن
نار / صلصال / فخار حواديت

وسجود ورفض ملكوت الله

كهنوت ف عيونك

رافض حكم كنيسته ف عصور

بتخاف النور

وشيوخ سلطان

بتحلل لحمك

لعجز رجال عن سد الجوع

وانا لسه باسقي الصبَّار بالشعر

ف يَنْبُتُ بِنْتُ

بْتَمِدْ كفوفها لقبر غريب

شايل ف صدره حنين وورود

ف بَتَوْسَعُ أَرْضَهُ

ويصير القبر بحجم الكون

ف يموت الدود

من حضن البنت

ولأول مرة يصير الشاعر حر

ـ بيوصف من غير الخوف م الكسرـ

ف يطلع للسماوات ويشبُّ

يططب ع النجمة الي ارتعشت

حين شافت أول نقطة دم
ويحنن قلب الشمس على الفلاح
ويجنن عقل القمرة
لو بص بعيد
ينزل لسابع أرض
يوسوس لبنات إبليس
ف تضحك عانس
وقعت ف شبّاك إنسان ملعون
بيراوض فيها بتفاحة
ف يشق البحر بكام فرعون
ويكفّر ذنب الوالد
بربابة وعود
يسأل عن عيل
ب ي ت ه ت ه شعرة
لسانه بارود
بيحمي خدود الخلق
من يد الخلق
فيعرج من آخر نص
ويكحّ قسايد
يطرفّ بيها عيون الدنيا
ويخليها لأول مرة تعوز الناس

ابن الشارع

عيني بتموت من غير لمعان
رجلي مش عارف وخداني لفين
شيلاني ازاي؟
عيل بيصرخ ف النعش
إيديكوا بتخنق روعي
خدت _ الدرَاع_ من إيد أخويا
قبل امّا أقابل الوحش
العمر اتبدّل ما اتبعش
الليل ماتعش
على طول سهران بينام الصبح
في دولاب الحاجّة جوه العبايات
باشتاق زي الرصيف لكعوب البنات
وباداري احتياجي ف يُفط الإعلانات
وافقين على ناصية قلبي

ورجليهم مليانه شوق وفراق
لو تسمحو بس
حببتي هتنشر ضحكها
ف بلاش زعيق
وانتوا بتضحكوا على خيبة الأحلام
مسير القدر هيمنحنا الفرصة للانتقام
م الشمس اللي رفضت تغيب
رغم إنها عارفة الميعاد
وقالت عيب
والقمر اللي كان حفيان على اتنين
يعلُّوا صوتهم
لاجل النجوم تصحى
والشجر اللي اتحيلت عليه دارى على حزننا
قال بطلنا لعب عيال
فيه حاجات كتير ملهاش ولا ذنب ف حزننا
شاشه موبايك اللي كسرتها
مخدتي اللي سترت دمعتي فيها
الحيطة اللي قطعت قلبها
برسّم قلبي بالقلم
من خاف سلّم
والحب للعميان

عن شوف الحقيقة المؤلمة
جايز النهاية تكون سعيدة
بيت / عيال بخدود
لكننا بنميل للأحزان البعيدة
النظر
والانتظار
الصبر
والصَّبَّار
سابق عليك بعدها
تفتكري أنا ملَّيت
عرفت تحب بعدها
كنت هدمت البيت
فضَّيت عليك القصيدة
ارقص براحتك هنا
النَّصُّ راح يسترك
وقت انقطاع الوصل
واقف في آخر الفصل
رافع إيديا لفوق
تحتيًّا بحر دموع
لو بصيت عليه
أغرُقُ

باكتب في آخر قَصَل
هحاول أكون قد الحدث وما أخفش
باصَّيت في عينيها النهار
طل السَّحاب والشَّمس
هتقعد هيبان عليك العجز
تجري ترجع شباب
رافض تنحني للزمن؟ ولا للغضروف؟
حابب تشوف لهفة حبيبتك
بادِّعاء الـ آه
زي حصر الجوامع بعد الوضوء
خبيني تحت المطر لو عايزاني أفوق
انا ابن الشارع
ماليش في الفُرْجَة م الشباك
رمينا طوبتك
بس خلي دعايا معاك
الشعر فرض ع المغرمين
زي الحزن ع الأموات
صل ع النبي يا بخيل
الليل بيضرب بعزمه وانا هلْكان
خد مني ضحكتي وبرضه البعيد زعلان

مترو

يااه يا صاحبي
لسه بتترمي في حضنها ؟
و بترفضك زى بيان المترو
تفتكر هتصعب عليها في يوم زى الشحاتين
وتقولك بابتسامة البياعين
الله يسهلك فوت علينا امبارح واقطع المراسيل
بلاش تحبُّط هنا في حد نام مطرحرك
وانا لسه بلعن قلمي الحزين ع الورق
وأفتكرك وأشتري بولتين آيس كريم
إزاي بصَّتْ في عيني وماخفتش الموت؟
ولا رفعت مناديلها لفوق
يارب طوق وحلق و كام توكة
لبنت سابت في قلبي تالت شوكة
وقطفتني من نفسي ورمتني في هذا السطر

أعِيْطُ ع الليلي وأبتسم
وأترسم على صاحبي أعرف غيرها بنات كثير
يا ليل: يا صوت الكركبة ف الروح
وتزييق ببيان القلب
«قلبك ما عدش ملكك»

عايش إيجار
بحبك
من غير إجبار الحروف على قسوة التلقين
عشان خايف من ال ت ه ت ه ة
بحبك

جحيم أفيال من العصافير
لجيش أبرهة
بعلمن من بلكونة بيتنا
إنك وحشتيني

يا ضلع خارج من حباب عيني
الحب دينك وانتي ديني
فُكِّي ضفايرك وافرديهم ع الكتاف
يا بخت الملايكة اللي ساكنين هناك
كل ما هعدي في شارعكُم هَسَبِّحْ
يمكن دعايا يخبِطُ على الشباك
«أهواك واتمنى لو أنساك»

لكني بخاف من الضحك لو طوُّلُ
وبنَهَج من الجري ع النَّسيان
«هل أتى على الإنسان»
غير البكا ف كراتين
قسْمَلِي نِيَاتُكَ يا حزين
راح أَعْنِي
الصوت مش طالع
البكا جَوَّاني
هاغْنِي
هابكي بصوت عالي
حببتي
هل سمعاني؟
حَصَّنتك
مانشفتش همومي
بالعكس سبتي بقعة ف هدومي
هامشي مسروق من نومي
والمترو بيعدي محطتنا
ويفوت
ف شِدِّيني من هذا الجحيم
لجحيم أوسع تمَلِّي
أحب اليراح في أموت

من غير سنّات

عيل بركب العَجَلُ
لأول مرة من غير سنّات
ف بتبكي الملايكة ويّاه م الفرح
تضحك له بنت ف يسبق كل ولاد الأبالسة
ويرفع إيديه ف تؤمن بأنه المعجزة
و تشاور عليه
يعجز لسان العابرين عن وصفه
يشبه تمام الأنبياء
والكل يريد وصله
لكنه ما يملكش الرسالة
يتيم ولم يقرأ غير سورتين
لاجل الصلاة سرّاً _ عشان ألدغ _
بيخاف من التجويد
رغم الخشوع لسه مش لاقى الطريق

الله بل ريق العثمانين
فارد إيديه للطيبين لاجل يسبّحوا
شائل في قلبه بيوت الطين
ولحن حزين من الصبّار
عروقه أوتار في تَحْتِ السُّث
عيونه مابتعفرش النوم
من التفكير في تلك البنت
اللي بتشبه لفراشة ف جنينة بيته المهذوم
لضحك التوت والدوم
لغزال هربان من فك أسود
الله خلى ريحها يفوت
ع الليالي الحزينة
ودور بينا ف الاتجاه العكس
شايف القمر ف عز الشمس
بيغني لي موال
وبيحكي لي بالهجص
عن شيطان بيوزع الحكمة ف الأسواق
وحبيبة لا تبتغي الأشواق
مين اختار الفراق؟
ومين اللي حزن الخوف؟
البُعد عيل اتحرم من المصروف

ف اسمحى لى اأبص فى عىنىكى

وأسعى وأطوف

مابىن الركةة والتانىة

_ثانىة!

رىحتك وداع

مش ده البرفان اللى متعود علىه

احضنىنى

لىه حاسك فراغ

ولما بتحضرى بتتحولى خرسان

هو انتى مش اى...؟

أسف

شكلى لغبطت زى عادتى

أصلها كانت ساكنة عندى

بس يظهر القلوب نَفُذَتْ على بعض

تعرفى إنها بتشبهلك بالتمام

عندها نفس ضحكتك

وعىن بتشبه لىمام

«اضغات أحلام»

اتوضى بكام ذكرى جرحتك

دُقْ آخر جرس فى كنيسة هجرتك

ارفع راياتك للحمام يحرسك

شِدُّ الخيوطِ يا عنكبوت
غطيني ماليش حبيبة تدفيني
لحظة هروي من الملاك
ماليش صاحب يقول لي
إني معاك
ف كان لازم أركب عجلتي من غير سنّات

الفهرس

٧ مكتب القائد
١١ دين الأيفونات
١٥ أوركسترا الفلاح
١٩ آمنة
٢١ الجنرال
٢٥ نبأ
٢٩ الخليفة
٣٣ مُسالم
٣٧ اهل السبيل
٤١ وامعتصماه
٤٥ بطّلت أكتب
٤٩ طاهرة
٥٣ كاس الليمون
٥٧ عيل من المماليك

٦١	الرجل السيء إلى رياض الصالح حسين
٦٥	البيت
٦٩	الكف
٧٣	هنا
٧٧	سِتِّي
٨٣	مُرِيدُ
٨٥	رأيت الله
٨٩	تأويل
٩٣	بلغوا عني
٩٧	الإمام
١٠١	وجع الحسين
١٠٥	وسوسة
١٠٩	ابن الشارع
١١٣	مترو
١١٧	من غير سنّات

